

Hag Ndei Bonjsaeh Bauq Guekcoj

学好本领报效祖国

——Dauqyawj Cunghgyauz Siujyoz “Roekit” Cietlwgnyez Hozdung

——中桥小学六一儿童节活动掠影

□Veiz Ginjcunh/韦锦春



▲ Hag ndei bonjsaeh bauq guekcoj. Gyoengq duiyenz moq guh haeujdoih senhsi.



▲ Banh fuyaucangj gangjavah, hoh gyoengq doengzhag ngoenz-ciet vaiqvued.



▲ Guh baeknaq doxdax.



▲ Daihgya ceng gonq lau laeng, boih cwnghzyij doxciep.

▲ Bengcag doxdax haenq dangmaz.

Ngoenzneix, ndit ronghndei rumz sangjli. Baenz doiq baenz sueng lwgda rongh-gywggywg haenx, baenz aen baenz aen naj riunyumj dwggayez haenx loh'ok vuenyungz angqyangz. Ngoenzneix dwg 5 nyied 31 hau, youq ngoenz ndit ronghcingx neix, youq ndaw sing go angqyangz neix, Vujmingz Yen Senhhuz Cunghgyauz Siujyoz daengx hagdangz saeseng comz youq itheij, angqhoh “roekit” cietlwgnyez.

Gyanghaet caengz daengz 8 diemjung, gyoengq doengzhag couh comzyouq ndaw hagdangz lo. 8 diemj buenq, guh sausen duiyenz moq haeujdoih yizsi. Itnienzgaep miz 80 lai boux sausen duiyenz moq haeujdoih, gyoengqde yungh sing go goksasa daeuj biujdap aen gietsim swheij—ndeindei hagsib, hag ndei bonjsaeh bauq guekcoj, vih saedyienh gungcanjcuji roengzrengz baeguh! Ciepdwk dwg Banh Fanghlanz fuyaucangj gangjavah, de yiengq gyoengq doengzhag camndei, doiq gyoengq sausen duiyenz moq daezok iugiuz, maqmuengh gyoengqde guh boux sausen duiyenz maenhndei ndeu. Doeklaeng ciuq ban baen cuj, banhcuijin daihyauj hagdangz dawz huqlaex fat daengz fwngz moix boux doengzhag. Lauxsae youh baen nienzgaep guh youzyenz hozdung. Youzyenz hozdung mizyinx raixcaix. Miz nep naedbohli, diemjndaeng, diemjbauq, cai vahduenz; miz doxciep boih cwnghzyij, boih seigeq, ciengq go. Lajbyonghngoenz, youh guh doxdax bengcag, gyoengq boux doengzhag doxdax haenx haenqrengz bengcag, gyoengq doengzhag youq baihlaj couh angq dwk heuh “gyayouz” mbouj dingz, sing gyayouz, sing hemqswenj rwenz doh ndaw hagdangz, daengx aen hagdangz nauhyied dangqmaz.

Baez angqhoh hozdung neix, sawj gyoengq doengzhag ndaej gvaq le aen cietlwgnyez angqyangz miz yihi ndeu.



▲ Laujduiyenz bang gyoengq duiyenz moq raek hungzlingjinh.



▲ Nep naedbohli doxdax.



▲ Guh dawz naedcaw gwnz-fwngz doxdax.